

DISSERTATIO INAUGVRALIS MEDICO-CHIRVRGICA

QVA

CASVS OPPIDO RARVS

SARCOMATIS

E PVDENDO MVLIEBRI SECTIONE SVBLATI

HISTORIAM

CONTINENS

PRAESIDE

ABRAHAMO VATERO

PHIL. ET MED. DOCT. ET PROF. PVBL.

ANAT. ET BOTAN. SVSTITVT. VT ET SOCIET.

IMPER. NAT. CVR. ET REG. BRITANN.

SODALI

PRO GRADV DOCTORIS

MORE MAIORVM OBTINENDO

D.

MART. M. DCC XXVIII.

H. L. Q. C.

AD DISCEPTANDVM EXPONITVR

a

IOH. DANIELE BEHRENSIO

TORGAVIENSI

MEDIC. PRACT.

---

VITEMBERGÆ,

LITERIS VIDVAE GERDESIAE.

## EXPLICATIO FIGURAE

*Repraesentatur hac Figura Sarcoma insigne, ex vagina uteri, praemissa ligatura, resectum.*

- A. Totum Sarcoma, a parte postica uisum.
- B. Collum tenuius, duorum digitorum transuersorum crassum, ubi resectio facta.
- C. Corpus rotundum musculosum, e tumore prominens, uteri inuersi, ut fundus inferius, collum superius situm uideatur, figuram quodammodo referens.
- D. Sectio per medium eius facta, ut interior substantia, quae tota ex fibris carnosis orbicularibus, cum intermixtis copiosis uasorum sanguiferorum dissectorum orificiis, componitur, oculis exponatur.
- E. Pars reliqua Sarcomatis mollior, ac quasi lobosa, uaginae uterinae substantiam referens, corpus musculosum sustinens.
- F. Sinus inter corpus musculosum et reliquam Sarcomatis partem.
- G. Sulcus in corpore musculoso obuius.











Q. D. B. V.



terus foemininus, uti tum ob  
structurae elegantiam, tum  
ob officii praestantiam, si-  
quidem officinam genera-  
tionis ac formationis foetus  
constituit, merito inter  
praecipua sexus sequioris organa refertur: ita si  
myriades morborum ex ipso oriundorum, ac  
miserrimas foeminas immaniter excruciantium  
consideramus, non iniurius in ipsum quis erit, si  
sentinam corporis perniciosissimam ac lernam  
innumerabilium malorum eundem dixerit.  
Hunc equidem in passionibus ita dictis hysteri-  
cis, modo ascendere, modo descendere, nunc  
intra fauces irruere, nunc iterum in abdomen  
deuolui, aut per uniuersum corpus discurrere  
et oberrare, cum mulierculis, sensu globi ex  
abdomine uersus fauces ascendentis, deceptis,



minime credendum est. Consensus enim cum omnibus uisceribus internis, ac cum toto corpore omnium istorum symptomatum atque innumerarum praeterea aegritudinum hinc inde superuenientium causa est, adeo, ut, censent *Casp. a Reies in Camp. Elys. iuc. Qu. XLVI.* nullum fere sit morbus, qui a conspurcatissimo utero fonte, uti idem loquitur, dimanare non possit, idemque propterea minera malorum merito sit appellandus. Dudum iam e foro Medicorum profligata est fabula, qua ueteres sensum, appetitum motumque animale utero tribuerunt, ut idem odoriferis gratis, naribus applicatis, uerus fauces allici, a graueolentibus uero et foetidis repelli, in fugam uerti, et ad pristinum locum occupandum cogi posset. Sat absone propterea a *Roderico a Castro de Morbis Mulierum L. II. Cap. XVI. p. 266.* ad uterum prolapsum repellendum commendatur, ut cauterium actuale ignitum manu ostendat Medicus aut obstetrix, ac simulet partem se tangere uelle, uel si mulier timidiuscula sit, uiui mures filo ligati cruribus repente submittantur, ita enim naturam retrahi, et cum ea uterum, aut quamcunque aliam partem prolapsam. Quamuis uero uterus proprio nisu nullatenus se mouere aut e loco suo discedere queat, idem tamen

uarii



uariis iniuriis e sede sua turbari ac ad inferiora propelli aut trahi potest, ita, ut non raro una cum uagina sua euersa sinum pudoris ingredia-  
tur. Sed non omnem tumorem e uagina pro-  
deuntem, ad uteri prolapsum referendum esse,  
e sequentibus paginis palam fiet, quibus casum  
rarissimum, et ob plurimas circumstantias curio-  
sissimum, Sarcomatis insignis, prolapsum uteri  
mentientis, sectione sublati historiam continen-  
tem, in praesenti Lectori exponimus.

## CASVS.

**F**oemina XLVIII. annorum, septem liberorum  
mater, ac ante septem annos ultimum pu-  
erpera, a tribus annis, haemorrhagia uteri la-  
borare coepit. Illa sumptibus necessariis desti-  
tuta, malo huic nihil, praeter remedia dome-  
stica, opposuit, ac praeterea laboribus duriori-  
bus gestationibusque ponderum, unde haud du-  
bie affectum hunc primum contraxerat, indul-  
sit. Factum ita est, ut fluxus hic molestus fre-  
quentius rediret, indiesque augeretur, et quan-  
doque aliquot librae sanguinis fluidi et grumosi  
unica uice confertim effunderentur. Elapsis,  
inter copiosas sanguinis profusiones, duobus  
circiter annis, illa tumorem intra uaginam per-  
cepit, qui sensim auctus totum sinum pudoris  
reple-



repleuit, tandemque e pudendo protuberavit, et premendo uesicae collum et intestinum re-  
ctum, obstructionem alui, urinaeque difficulta-  
tem, cum grauissimis lumborum doloribus exci-  
tauit, nec tamen ulla ratione ab illa repelli po-  
tuit. Quid fit? Foemina sibi consulere nesci-  
ens, nemine ob pudicitiam intempestiuam in-  
consilium uocato, pro ea, qua pollet, animi  
fortitudine, ne dicam audacia, cultrum arripit,  
partemque tumoris prominentem pugni ma-  
gnitudine refecat, mira opportunitate, quia ob  
corruptionem, nulla inde secuta haemorrhagia.  
Hoc autem facto, pressio dolorosa non remittit,  
uti sperauerat, potius augetur, et accedentibus  
conatibus, parturientium similibus, postridie  
inter excretionem aluinam, subito prorumpit  
massa, capitis magnitudinem excedens, insigni  
foetore, quia semiputrida fuit, et pondere ac-  
tractione ad inferiora, molesta. Urgebat prae-  
terea urinae suppressio, quam, non nisi digitis  
sub pube intrusis, reddere potuit, ab hac etiam  
super tumorem defluente ardor insignis excita-  
batur, et inflammatio in tumore augebatur,  
adeo, ut totum pudendum sub eodem crescen-  
te absconderetur. In tantis angustiiis consti-  
tuta nostra, necessitate cogente, demum a Chir-  
urgo auxilium petit. Hic statim epithematibus  
inflam-



inflammationi et putredini resistentibus curam aggreditur, quibus per aliquot dies usurpatis rem eo redegit, ut tumor quodammodo detumesceret, ac sinus pudoris, antea sub eodem latens, conspici posset. Nunc etiam patuit, totam illam massam a collo tenuiori, coloris albicantis, duorum digitorum crasso, e uagina suspendi. Sinus autem pudoris adeo arctus ac intus repletus fuit, ut digitis circa ceruicem tumoris ductis ac intrusis, nullus intra uaginam daretur aditus, nemoque aliter existimare posset, quam uterum una cum uagina inuersa elapsum esse. Cum ergo nulla repositionis spes superstes esset, nihil fuit reliquum, quam ut tumor semiputridus ac gangraenae proximus, tractione ac foetore insigni molestus, sectione tolleretur, quam tamen Chirurgus, grauitatem negotii pensitans, proprio ausu suscipere noluit, meque propterea in consilium adhibuit. Posteaquam omnes circumstantias mecum reputassem, tumoris magnitudinem, aegraeque statum, quae, praeter praegressam sanguinis iacturam, in praesenti a calore praeternaturali, inquietudine ac uigiliis uiribus penitus exhausta uidebatur, ob metum haemorrhagiae timendae, sectionem primum disuasi, ne forte finister rei euentus, ac obitus foeminae, morti, uti apparebat, alias proximae, curae tribueretur.



Nihilo tamen fecius, tumore ad sphacelationem properante, ob quam femoribus contactu maculas nigras imprefferat, aegrae, liberationem anxie efflagitanti, ac nisi cito auxilium feratur, resectionem propriis manibus peragendam minanti, morem gessimus, quia in casu ancipiti, anceps potius, quam nullum remedium adhibendum fuit. Quamobrem, foemina ad omnem euentum praeparata, sine temporis iactura ad sectionem accessimus, et traiecta per cervicem acu, filo incerato instructa, ligamentum inieci-  
mus, posteaque sub ligatura tumorem abscidimus. Euentus uoto respondit, et operatio ex animi sententia peracta fuit, nulla inde haemorrhagia uel alio symptomate insequente. Foeminam postea in lecto quiete repositam, medicamentis internis cordialibus, exterius epithematibus, inflammationi et putredini oppositis munuimus. Vagina uteri, antea ad exteriora tracta, cum ligamento applicato paulatim in locum pristinum recessit, ut nunc digitos sine negotio intra pudendum immittere, nec tamen finem attingere liceret, manifesto indicio, tumorem e suprema uaginae regione descendisse. Praeterlapso ita una alteraue septimana, aegra sensim ad se rediit, uiresque amissas recuperauit, lentoque gradu incedere coepit. Remansit  
nihil-



nihilofecius intus dolor prefforius, tumorque pedum oedematofus, antehac iam praefens, indies incrementa fumpfit, nec adhibitis remediis anticacheeticis ceflit, accedente infuper per interualla haemorrhagia copiofa, hydrops perfectus imminere uifus eft. At quid fit? elapfo fere dimidio anno, foemina in uagina quicquam preffione moleftum percipit, quod digitis intrufis extractum, uinculum applicatum, maturatio-  
ne paulatim liberatum, efle cognouit, nobisque exhibuit. Ab illo tempore tota rerum facies mutata eft, foemina nunc optime ualet, in praefenti obftetricis munus Coswici fufcepit, de nullo accidente amplius conqueritur, faltem quod pallor faciei de morbi fuperati magnitudine teftetur. Notatu digniffimum autem imprimis eft, illam, aetate fatis prouectam, poft tot tamque largas fanguinis profufiones, fluxum menfium regularem modicumque nunc experiri.

## THES. I.

**H**abes ita, Lector beneuole, hiftoriam Sarcomatis e pudendo muliebri feliciter ex-  
fecti. Accedo nunc ad descriptionem ipfius tumoris, ut patefcatur, ad quodnam genus idem referri debeat. Eo confilio totam molem nobiscum abftulimus, ut eam domi accurate per-  
lustrare

*Sarcomatis  
abfciffi de-  
lineatio.*



lustrare possemus. In latere anteriori, quod oculis ante resectionem patebat, ob corruptionem nihil distincti uidere licuit, referebat enim rudem atque deformem massam. Sed tumore inuerso, ut facies posterior, antea uisum fugiens, luci exponeretur, in admirationem coniecti fuimus, cum uideremus, e medio ipsius prominare corpus oblonge rotundum, substantiae a reliquo tumore diuersae ac musculosae, uteri inuerso ordine elapsi figuram haud obscure exhibens, uti ex icone in fronte huius dissertationis posita patet. Inferius enim rotunditate cum fundo uteri conuenit, superius uero attenuatur, ac in collum angustius, substantiae albicantis ac tendineae terminatur, unde suspensa fuit tota moles, et quo loco resecta fuit, quod collum uteri quodammodo repraesentat. Admiratio nostra non parum aucta fuit, ubi, sectione in corpus illud musculosum iuxta longitudinem facta, interiora eius lustrauius. Constat quippe idem ex fibris carnosissimis orbicularibus, ac, quod praecipue attentionem meretur, per totam substantiam hiant orificia uasorum sanguiferorum dissectorum copiosissima, qualis est uteri transuerse secti facies. Adhibita tamen omni diligentia, nihil ouariis aut Tubis Fallopiianis simile detegere potuimus, imo sectione repetita, eandem



dem ubiuis texturam internam, nullam uero intus cauitatem inuenimus. Reperitur autem a latere corporis musculosi insignis cauitas seu sinus oblongus et profundus, istud a reliqua tumoris parte seiungens. Residua Sarcomatis substantia, corpus musculosum ambiens et sustinens, ab hoc plane diuersa, consistentiae laxioris, mollioris, ac lobos et rugas monstrans, ut aliter iudicari non possit, quam eandem esse uaginae rugosae portionem. Pondus totius molis, expurgatis omnibus impuritatibus, est duarum librarum. Tandem etiam sciendum, Sarcoma, multo minori, quam naturali, magnitudine in figura exhiberi.

## THES. II.

**A**ntequam ad indagationem naturae atque originis sarcomatis huius, ac ad considerationem singularium in casu praesente concurrentium circumstantiarum nos accingamus, monendum est, admodum magnam esse uarietatem tumorum, e pudendo muliebri enatorum, tum ratione loci, ubi excresecunt, tum ratione consistentiae, magnitudinis, causarum, aliarumque conditionum. Ita pudendum externum, inprimis labia intumescunt ab inflammatione, oedemate, uel etiam abscessu, aut ubi in hernia inguinali intestina per processum uaginalem

*Tumorum e pudendo muliebri enatorum uarietas.*

*In pudendo externo labiis, clitoride, et Nymphis orti.*



peritonei intra eadem elabuntur. Praeterea ex cute labiorum aequae ac montis ueneris, eadem superius coniungentis, nascuntur tumores, exiguo principio, sub forma verrucarum, in enormem quandoque molem excrescentes. *Adnascitur interdum inquit Seuerinus Med. Effic. p. 119. alis pudendi muliebris tuberculum, principio pusillum, deinde magnis incrementis augecens, molle, concolor, contrectatu modisque ferme omnibus indolens. Scorto propendebat in labio pudendi minoris pineae magnitudine tuberculum, basi minore, quam altero extremo pendulum, quod uno iam anno sic ex paruo intumuerat. Constrictum uinculo die uno ac tantum non stupefactum, postridie resecui, cute circumplexum crassissima, plus media digitilati tudine. Tuber scirrhosum excidit Marchettis, cucurbitae magnitudine, quod superius osi pubis adhaerens, utrumque pudendi latus, rimamque ipsam uelabat, pustulis scatens malignis, ad radicem exulceratum, uti testatur Bonet. Mercur. Compital. L. XVIII. p. 737. Enormis istiusmodi tumor pondere XII. libras superans e labio dextro mulieris resectus, describitur in dissertatione, sub Praef. Parentis An. MDCXCIII. habita, qua Historia et Cura Sarcomatis monstrosi et cancrofi exhibetur. Praeter hos tumores ex labiis protuberantes, ex ipso pudendo*



pudoris sinu externo, Clitoris atque Nymphae intumescentes et elongatae exteriora uersus propendent, adeo, ut interdum Sectione remoueri debeant. Omnes tamen haecenus enumerati tumores cum nostro Sarcomate nihil commune habent, utpote quod non e pudendo externo sed ex ipsa uagina in lucem prodiit.

### THES. III.

**E** uaginae uteri cavitae egressi tumores tamen non unius eiusdemque generis sunt, E uagina propullantes. sed admodum diuersi, quamuis ueteribus nomine prolapsus uteri ueniant. Vagina ipsa uteri, Vaginae ipsius inuersione prolapsus. uti est canalis oblongus, a sinu pudoris ad orificium uteri internum usque, intestini tenuis instar, expansus, ita illa aequae, ac intestinum rectum, inuersione duplicata pudendum non raro egreditur, et tumores insignes exterius propendentes efformat. Firmiter quidem illa connectitur anterieus collo uesicae urinae, posterius intestino recto ac superius orificio uteri interno, ut ista uix loco moueri posse uideatur; nihilo tamen secius, utut longitudo eius naturalis non excedat sex uel septem digitos transuersos sine distractione, fibrae tamen illius relaxatae adeo elongari possunt, ut illa prolapsa quandoque ad genua usque propendeat. Facit huc praecipue substantia ipsius membranosa et musculosa, ac



ac inferius rugosa, ob quam tantae distensionis, tum in latitudine, pro transmittendo foetu in partu, tum in longitudine, in prolapsu, apta est. Sed nunc oritur quaestio, utrum uterus, uaginae iuxta orificium firmissime connexus, semper et necessario simul extrahatur, an uero prolapsus uaginae fieri queat, utero in loco suo naturali permanente? De prolapsu uteri ipsius, tantopere controuerso, in sequenti Thesi dispiciemus, nunc saltem quaeritur: utrum semper una cum uagina excidente e corpore extrahatur? Monendum autem ante omnia, distingui debere prolapsum uerum uaginae a tumoribus praeternaturalibus, in uagina e tunica interiori uel rugis ipsis intumescantibus enatis, qui non raro insipientibus imposuerunt, ut illos prolapsum uaginae uel uteri ipsius crediderint, de quibus in subsequen- tibus pluribus agemus. Praeterea non semper tota uagina inuertitur ac prolabitur, sed tantum portio eiusdem siue inferior, siue etiam in uno tantum latere, quo casu non absolute necessarium esse iudico, ut uterus simul exeat. Vbi uero tota uagina inuertitur et ad exteriora elabatur, fieri certe non potest, quam ut collum uteri, huic firmissime alligatum ad inferiora rapiatur, fundus uero libere in pelui fluctuans, tanquam pars magis mobilis, sequatur.



tur. Neque tamen semper uterum simul extra pudendum egredi, nisi prolapsus nimis enormis sit, sed, uagina licet prolapsa, intra pubem subsistere, suadet non tantum ratio, sed et exemplum foeminae a *Pechlino L. 1. Obs. XX.* adductum, quae uehementi et uasta uaginae procidentia laborans, remedium optimum in grauiditate inuenit, cum qua ipsa lente tumor retractus fuit, mox iterum ad partum rediturus. Idque tanto magis contingit, quando obstaculum quoddam egressum uteri impedit, uti testatur casus in *dissertat. de Grauiditate apparente* a me expositus; ubi tumor ouarii enormis impedimento fuit, quo minus uterus a uagina prolapsa intra pubem protractus, longius egredi posset, uti sufficienter testabatur orificii interni intumescencia collique elongatio, tractione uaginae ac resistentia tumoris ouarii inducta. Obseruatur quidem in apice tumoris uaginae prolapsae hiatus, qui tamen non semper est orificium uteri internum, sed sinus ab ipsa uagina inuersa, duplicato egrediente, efformatus. Nec longitudo tumoris euincit, uterum necessario simul elapsum esse, quia uaginae substantia fibrosa et rugosa, tensione ac ab humoribus intus stagnantibus relaxata, insigniter extendi potest, uti apparet ex intestini recti prolapsu, quod, testantibus obseruationibus Auctorum, aliquot spi-

C

tha.



thamarum, ad ulnae longitudinem egreditur, cum tamen tantam longitudinem non habeat in corpore, multo minus ubi istud in egressu duplicatur.

#### THES. IV.

*Uterus ipse  
an eo usque  
prolabi pos-  
sit, ut pu-  
dendum e-  
grediatur?*

Quamuis itaque absoluta necessitatis non sit, ut uterus una cum uagina elapsa extra abdomen semper excidat, ac praeterea inficiendum non sit, ipsam uaginam inuersam et tumidam, aut tumores praeternaturales in eadem natos, uti inferius uidebimus, quandoque foeminae, obstetricibus, imo Medicis ipsis imposuisse, ut uterum ipsum elapsum esse crediderint; neutiquam tamen propterea statuendum, uterum plane non posse prolabi, uti fecerunt *Kerckringius, Roonbusius, Meckervanus*, aliique, qui singularibus quibusdam observationibus adducti, prolapsum uteri uerum dari, negant, omnesque rident, qui uterum unquam extra corpus prolapsum esse sibi persuadeant. Hoc quidem uerosimile est, non omnes uteri procidentias, ab antiquis atque recentioribus Medicis obseruatas, tales fuisse. Fabulis etiam merito annumerandum esse iudicat *a Meckeren in Obseru. Anat. Med.* quae de uteri exstirpatione agentes, *Auensoar L. 2. C. 2. Anton. Beniuen. de Abdit. Morbor. Caus. C. II. VVierius, Zacut. Lusitan. Felix Plater. aliique* retulerunt, mulieres nempe,



pe, quibus uterus corruptus abscissus, non solum superstites mansisse, sed et liberos procreasse. At si quis ideo cum praedictis Auctoribus omnem proptofin uteri, a scriptoribus fide dignis annotatam, falsam, fictitiam et imaginariam dicere uellet, iniurius certe in hos foret. Instructus omnino est uterus ligamentis sat ualidis, duplicis generis, nimirum teretibus atque latis, quibus idem sustentatur ac firmatur, ut tanto oneri, grauiditatis tempore gestando, sufficere queat. Praestant id inprimis ligamenta lata, quae inter pelvis latera atque uterum uaginamque interiecta, a reliqua parte, tubam inter atque testem intercedente, ob similitudinem alae uespertilionum uocata, probe distinguenda esse, accurate monet *Clariss. Morgagn. Aduers. Anat. IV. Animad. XXVII. p. 49.* utpote quae pelvis lateribus firmiter commissa, ligamenti uteri lati et officium et nomen seruare debent, cum alae uespertilionum tubae potius ligamenta appellandae sint. Sed quis propterea cum *Kerckringio* uterum semper immobiliter loco suo consistentem pronunciare uellet? Recte igitur *Pechlin. l. c.* iam si quis retinentium ligamentorum uim impedire credat, quo minus uterus prolabi possit, sciat oportet, eandem quoque causam in uaginae lapsu adduci posse. Quid enim? Annon suis perinde ligamentis, usque satis firmis, uagina



*gina neclitur ossibusque incuneatur? At uero, annon ligamenti ille solutioribus adneclitur? Annon mobile etiam est ipsum uteri corpus, et ad lapsum procliuius, inprimis si uis accedat, qua inconditae obstetrices per parturientium uiscera grassantur? Ego sane, quoties faciem naturalium, uteri et uaginae attentius rimor, non uideo, quid prohibeat, quo minus uterus descendere ex parte uel totus possit.*

THES. V.

*Uteri prolapsus uerus exemplis singularibus confirmatur.*

**Q**uandoquidem autem experientia una rite instituta plus ualet, quam mille rationes, et supra dicti uiri obseruationibus suis, utut singularibus, confisi et nixi, omnem fidem hac in re ueteribus scriptoribus denegarunt, non immerito recentiores sectionibus in eiusmodi subiectis, prolapsu laborantibus, post mortem institutis, curiosius eam in rem inquisiuerunt, pluribusque exemplis demonstrarunt, uterum non tantum extra corpus cum uagina inuersa prolabi posse, sed etiam re ipsa elapsum in cadaueribus inuentum fuisse. Non memorabo nunc *Diembrockium*, *Regnerum de Graaf*, *Corn. Stalpart van der VViel*, *Peyerum* aliosque, qui statim se isti opinioni opposuerunt, atque exemplis, tum ab aliis, tum ab ipsis obseruatis, procidentiam ipsius uteri demonstrarunt. Adducam saltem unam uel alteram Auctorum recentissimorum, adhuc uiuen-



uiuentium, obseruationem, quibus non tantum uteri prolapsus, sed etiam totalis simul eius inuerfio confirmatur. Instar omnium esse possunt casus, a *Celeberrimo Ruyschio in Obseru. Anat. Chirurg. VII. IX. X.* consignati, utpote qui omnem animo nostro scrupulum eximere possunt. Rarissima inprimis est *Obseruatio I.* qua refert, e tumore uteri prolapsi quadraginta et duos calculos in octogenaria sectione extractos esse, qui sedem suam in portione aliqua uesicae urinariae simul prolapsae habuerunt. Ibidem quoque *Obseru. XXIV. XXV.* mentionem facit lateralis tantum uteri portionis, itemque orificii ipsius interni in partu prolapsus, a se obseruati. Contingit praeterea, uti *Idem obs. X. et XXVI.* annotat et fig. 12. delineat, ut uterus in aut mox post partum totaliter inuertatur, cui malo obstetrices imperitae, funiculum umbilicalem fortius extrahendo, occasionem praebent, quandoque tamen illud a conatibus post partum remanentibus ortum ducit. Plura huius inuersionis uteri totalis in partu exempla uidere licet in *Stalpart van der VViel Obseru. Rarior. Cent. I. Obs. LXVII.* Hoc tamen extra partum, a tumoribus intus in cauitate uteri natis oriri posse, nouo eoque singulari exemplo probauit *Clariss. von Sanden, Observatione de prolapsu uteri inuersi ab excrescentia carneo fungosa, in fundo eius interno, ex potu crepitus lupi enata,*



*ta*, communicata. Sectio enim post mortem instituta monstrauit, tumorem e pudendo istius foeminae propendentem ipsum uterum, ab excrescentia e fundo eius latiori radice enata, ac successive crescente, ob spatii defectum per orificium exitum quaerente, tandemque foras erumpente, inuersum et extra corpus extractum fuisse, uti ex Fig. II. ibidem apposita clare ad oculum patet.

### THES. VI.

*Tumores  
alii e uagina  
enati, uteri  
procidentiam  
menti-*  
*entes.*

Sed nunc annotandum est, ex ipsa uaginae superficie interna oriri excrescentias tales carneo fungosas et scirrholas, quae in tantam molem auctae, ut spatium interius non inueniant, e pudendo prorumpunt, utrumque prolapsum mentiuntur. Eiusmodi fungos in uagina adhuc absconditos, oui gallinacei ac pugni magnitudine ex illa exsectos memorat *Tulpius Obseru. Med. L. III. Cap. XXXIII. et XXXIV.* Fungum pariter cancrosum ex interiori matricis colli parte ligatura separatum recenset *Stalpart. van der Viel l. c. Obs. LXXXVII.* Excrescentiam cancrosum, duorum pugnorum magnitudine extra sinum pudoris propendentem, et ab ipso aliisque Medicis et Chirurgis pro utero inuerso et prolapso habitam, describit etiam *Segerus Obs. 121. Misc. Cur. A. 1671.* quae tamen, uti sectio post obitum foeminae instituta monstrauit, nihil aliup



aliud fuit, quam excreſcentia fungoſa, ex uteri collo, et huius antica parte, prope Veſicae oriſcium, enata. Ita etiam *lobus a Meckeren in Obſeru. Anat. Medicis* pro confirmanda ſua ſententia, qua, uti ſupra uidimus, uterum omnino elabi poſſe negat ac pernegat, praeter aliorum obſervationes, refert integram hiftoriam Sarcomatis inſignis magnitudinis, gangraena iam correpti, praeuia ligatura colli anguſtioris reſecti. Complures Medici atque Chirurgi praefentes illud uterum prolapſum crediderunt. Muliere autem paulo poſt denata, ſectio cadaueris pateſcit, non uterum ipſum prolapſum et abſciſſum fuiſſe, utpote qui bene conſtitutus in loco naturali inuentus eſt, ligamentum uero intus relictum monſtrauit, tumorem ablatum nil aliud, quam tunicae rugoſae, uaginam praeter alia conſtituentis, portionem, laxitatis nimiae culpa, extra pudendum elapſam fuiſſe. Hae ſimilesque hiftoriae ſatis ſuperque euincunt, excreſcentias tales carneo fungoſas, e pudendo propendentes, haud raro impoſuiſſe non tantum foeminae, ſed ipſis quoque Medicis atque Chirurgis, ut tales uterum prolapſum eſſe, ſibi perſuaſerint.

### THESES. VII.

**F**ilo in praefenti ducimur ad quaefitionem illam, quid de reſectione uteri prolapſi, ab Autoribus adeo frequenter commemorata, ſentendum

*Uterus prolapsus an ſalua uita reſecari poſſit?*



endum sit ? Integrum Catalogum Scriptorum recenset *Meckeren loc. cit.* qui utrum salua vita non tantum auferri posse, sed etiam ablatum esse, memoriae prodiderunt. Hos inter *Plempius Anat. Cabrol. c. 34.* scripsit, utrum prolapsum incuria quadam putrefactum extirpari sine incommodo, sic, ut eo ablato etiam concipere queat mulier. *Fernelius* uidisse se refert parturientem quandam, cui uterus cum foetu incluso, sine ullo uitae dispendio ablatum sit. *Plinius et Soranus* utrum muliebrem auferri sine uitae periculo posse, exemplo porcorum, probare nituntur, et *Laurent. L. VII. de part. Gener. C. II.* omnia bona promisit mulieri, cui uterus ablatum sit, uti uidere est in *Bonet. Sepulcr. L. III. Sect. XXXII. Addit. obs. VI. p. 41.* Ibidem etiam *Obs. I. ex Jo. Georg. Volckameri* relatione recensetur historia uteri procidentis ex uirgine resecti, cui antea iam testes, per hymenem propendentes, ablati fuere, eodem obseruante in *Miscell. Curios. A. II. Obs. CCXXVI. p. 328.* Nullum tamen hic suppeditauit signum certum, unde iudicari possit, tubercula ablata re ipsa fuisse ouaria atque uterum, nisi quod dicat, priora calidae aquae iniecta, testiculos uasis suis annexos praesentasse, ultimum uero formam uteri nondum defloratae retulisse, sed cavitatem destitutum fuisse. Maioris momenti uidetur esse obseruatio *Paraei de Hom. gener. L. XIV.*  
qua



qua docet, mulieri tumorem corruptum e pudendo frustatim extractum fuisse, quod ipsi et quatuor Medicis praesentibus corpus uteri uisum fuit, cuius rei fidem fecit non tantum unus ex testiculis postea, ipso referente, extractus, sed etiam sectio foeminae post trimestre pleuritide extinctae, quia nusquam comparuit uterus, sed eius loco callosum quoddam corpus, quod natura, uti ille loquitur, quae nunquam in nobis otatur, iacturam eius partis quasi reparatura, uel lacunam potius alui repletura, substituerat. Annon uero corpus istud callosum fuerit ipse uterus, ab abscessu diuturno in genitalibus existente deformatus, sub iudice lis est. Verbo: Praeaeque historiae de utero exsecto apud Auctores occurrentes ita sunt comparatae, ut dubium sit, an uterus, aut eius loco excrescentia quaedam fungosa et carnea abscissa fuerit. Vnicum tamen exemplum in fine tractatus supra laudati Sandenii, ex pro-lusione, *dissertationi Inaugurali de foemina grauida, lapsu uaginae uteri laborante* ab eius Praeside, D. Ioh. Hadriano Slenogtio praemissa, adiectum confirmat, impossibile non esse, ut uterus prolapsus et corruptus salua uita refecari possit. Ipse enim testatur, se in massa, a pudendo muliebri resecta, quinque libras pendente, praeter opinionem, ipsissimum os uteri, cruore uiscido obturatum, reliquumque huius corpus, cum fundo integro et reliquiis tubarum, quasi in theca coriacea, prope iniectum uinculum, abscissa, reconditum offendisse. Imo ut ea clarius



dignosci possent, uterum ab orificio ad fundum, secundum longitudinem aperuit, et cavitatem eius ac crassitiem, statui naturali prorsus similem, detexit, tubisque fetas nigras inseruit, atque sic Excellentissimis Academiae Ienenfis Professoribus, plerisque Urbis istius Doctoribus Medicis Practicis, atque centum studiosis demonstraui, ut adeo de eo nullus dubitandi locus supersit.

### THESES VIII.

*Sarcoma  
nostrum an  
uterum si-  
mul exse-  
ctum conti-  
neat?*

**H**is itaque ad illustrationem nostri casus praemis-  
sis, accedendum tandem est ad Sarcoma in prae-  
senti a nobis luci expositum, ut pateat, quae sit eius  
natura atque origo, et ad quodnam genus tumorum  
in pudendo natorum, haecenus enumeratorum, idem  
sit referendum. Optimam quidem huic rei lucem  
accendet aliquando foeminae huius obitus et cor-  
poris defunctae apertio, qua locus, unde resectio fa-  
cta, detegi poterit; uitam tamen et sanitatem, qua  
haecenus utitur, ipsi nullatenus inuidentes, interea  
periculum faciemus, quid quantumque in negotio  
hoc admodum obscuro, considerando circumstan-  
tias antecedentes, concomitantes et consequentes,  
praestare liceat. Equidem ex praecedente thesi con-  
stat, uterum prolapsum aliquando, utut forte rarissi-  
me, salua uita resectum fuisse. Tumor praeterea in no-  
stra, post abscissionem portionis eiusdem prominen-  
tis a muliere peractam, uno impetu inter conatus,  
parturientium similes, foras prorumpens, magnam  
suspicionem excitauit, uterum per aperturam, sectio-  
ne



ne hac in uagina factam, simul excidisse. Repletio et occlusio sinus pudoris, a uagina ad inferiora tracta, ob quam digitis, circa tumoris collum ductis, intra pudendum nullibi penetrare licebat, suspicionem illam auxit. Corpus tandem musculosum, in sarcomate ablato apparens, ac figura externa pariter ac structura interna carnosam, cum intermixtis orificiis numerosissimis uasorum sanguiferorum, uteri speciem praese ferens, sententiam istam penitus confirmare uisa est. Quoniam tamen nec intus cavitatem in hoc corpore inuenire, nec extus quicquam de ouariis et oviductibus ligamentisque detegere licuit, illud uterum, sectione ex muliere sublatum ego non dixerim. Retractio enim totalis uaginae ad interiora, ac fluxus mensium post illud tempus naturalis et regularis insecutus, satis superque edocent, uterum in corpore remansisse, et originem huius tumoris aliunde deriuandam esse.

### THESIS. IX.

**R**ebus sic stantibus, aliud iudicium de nostro Sarcomate ferre non possumus, quam quod illud sit excrescentia quaedam carnosam et scirrhusam ex uaginae ipsius substantia, parteque superiori, utero proxima, enata. Idque penitus suadet pars illa mollior rugosa et lobosa, corpus musculosum sustinens, quam uaginae portionem esse, inspectio docet. Saltem corpus illud musculosum, figuram et texturam internam uteri exhibens, difficultatem creat, unde illud originem trahat. Notum autem est, ua-

*Quale illud sit? et ad quodnam genus tumorum enumeratorum referendum?*



ginae uteri substantiam intus quidem membranosam, nerueam atque papillarem esse, rugasque copiosas instar rugarum intestini ieiuni, exhibere, ac ubiuis lacunas, uti circa urethram et uteri praeprimis ceruicem, ita per totam superficiem monstrare, quae cum glandulis substratis communicantes liquidum mucosum fecernunt. Exterius uero musculosus contextus uaginam ambit, ac copiosissimis uasorum cum utero partibusque adiacentibus communibus ramificationibus, multiplici anastomosi inter se iunctis, ac substantiam uaginae perreptantibus, gaudet. Quid itaque mirum in textura ista musculosa glandulis atque uasculis intertexta, ab humoribus impuris ac uiscidis, intus stagnantibus, obstructiones et indurationes harum partium fieri, unde omnia sarcomata, aut excrescentiae carneo fungosae, et scirrhi, aut quocunque demum nomine ueniant, tumores oriuntur. Faciunt huc iniuriae uariae, quibus uagina, aequae ac uterus ipse, ante, in, et post partum obnoxia est, fluxus mensium et lochiorum inordinatus, retentus, aut inconuenienter suppressus, uel etiam nimius. Humores quippe largius ad genitalia confluentes, atque transitum aut egressum per tubulos obstructos non inuenientes, inter plexus uasorum atque glandularum restagnant, sensim inspissantur, partes circumiacentes distendunt, atque ita excrescentias illas, fungorum more protuberantes, efformant.



## THES. X.

**P**raecefferunt autem in nostra partus iterati, sub-  
 inde laboriosi, quibus uagina cum utero ualde  
 extensa, tonusque eius maxime relaxatus fuit. Foe-  
 mina egestate coacta, nec tempore grauiditatis, nec  
 post partum diaetam conuenientem obseruauit, in  
 nulla re sibi pepercit, labores durissimos suscepit,  
 pondera gestauit, mox a partu e lecto surrexit, cor-  
 pus aeri frigido exposuit, fluxusque lochiorum nul-  
 lam curam habuit. Quae autem et quanta mala in-  
 de in grauidas atque puerperas redundare soleant,  
 notius est, quam ut a me hic exponi opus habeat.  
 Insecuta post illud tempus haemorrhagia diuturna  
 atque enormis sufficienter testatur de uteri parti-  
 umque connexarum graui laesione, sanguinisque in  
 iisdem circuitu difficili atque stagnatione, unde tan-  
 to impetu tantaque quantitate idem per uias geni-  
 tales erupit. Fluxum hunc illa neglexit, ac praeter  
 domestica remedia, nihil eidem opposuit, potius  
 motu inconuenienti, eleuatione ponderum, refrige-  
 ratione, aliisque diaetae erroribus illum auxit. Nec  
 ullum est dubium, illam ad haemorrhagiam coer-  
 cendam et restringendam, inter remedia domestica  
 adstringentibus et stypticis usam esse, pro more uul-  
 gi, qui ad tale, tanquam sacram anchoram, confugere  
 solet. Neminem uero latet, quot et quanta ex in-  
 tempestine suppressa haemorrhagia mala oriantur.  
 Per eiusmodi enim austeram, constringentiam ac stypti-  
 ca medicamenta sanguis et alii humores intra uasa

*Causae an-  
 tecedentes  
 ponderan-  
 tur.*



distenta stagnantes subito coagulantur et inspissantur, unde in aliis inflammationes, abscessus et exulcerationes, in aliis tumores duri ac scirrhescentiae partium internarum haud raro originem trahunt. Ipsa Sarcomata et excrescentias carneo fungosas in partibus genitalibus ortum inde repetere, probat exemplum *Sandenii* supra memoratum. Foemina illa infuso crepitus lupi, contra abortus frequentes et haemorrhagias uteri usurpato, excrescentiae isti carneo fungosae, in uteri cavitae ex eius fundo enatae, occasionem dedit, a qua uterus inuersus foras propulsus fuit, et insecuta exulceratio et sphacelatio febrisque coniuncta uitae finem fecit.

### THES. XI.

Circum-  
stantiae sin-  
gulares ca-  
sus nostri  
consideran-  
tur.

**A**d nostrum ut reuertamur casum, notatu dignissima inprimis in eo est circumstantia, in historia annotata, tumorem hunc prius e uagina exitum non inuenisse, quam resecta prius a foemina parte eius protuberante. Hoc ipso quippe idem quodammodo detumuit, uiamque faciliorem prorumpendi inuenit. Hoc uero mirum, ne minimam inde secutam fuisse haemorrhagiam, quod tamen nulli alii rei, quam scirrhescentiae et sphacelationi tumoris relatum ferri debet. Haemorrhagiam uero a sectione metuendam impedit ligatura iniecta, utut hac forte opus non fuisset, quia collum tumoris albicans et quasi tendineum nulla insigniora uasa monstrauit, ac uix gutta una sanguinis ex eodem stillauit. A resectione etiam sarcomatis, quod

prae-



praesente et dirigente *Sleuogtio*, e foemina sublatum esse, ipsumque uterum simul abscissum, illo teste, comprehendisse, supra notauimus, nulla haemorrhagia secuta est, quamuis pars ligata, simul ac a pondere trahente liberata fuit uinculo, quo collum eius ante sectionem ualide ligauerat Chirurgus, statim se subtraxerit et ad interiora resiliuerit, non sine terrore Chirurgi, haemorrhagiam aegre restinguendam metuentis, cum tamen uix duae unciae cruoris effluxerint, mox sero tenui eum excipiente. Ligamentum istud in nostra foemina omnium subsequen-  
tium symptomatum, tractionis et pressionis in abdomine, tumoris oedematosi, haemorrhagiarum uteri, aliorumque incommodorum causa exstitit, quia, illo lenta suppuratione post dimidium demum annum separato, omnia illa accidentia statim euanuerunt. Nihilo tamen secius securitatis gratia ligatura merito applicata fuit, ac in casibus similibus non facile negligi debet. Caute tamen cum ista procedendum esse, docet casus *Severi* supra relatus, ubi in excrescentia tali fungosa, statim a ligatura grauissima symptomata secuta sunt, quae uero uinculo sublato cessarunt. Cauendum etiam sedulo, ne partes adiacentes uinculo comprehendantur, quod contigisse refert celebratus *Ruyschius Obs. VII.* in foemina, in qua Chirurgus, uterum prolapsum et corruptum extirpaturus, meatum urinarium simul ligauit, unde aegra, suppressione urinae totali correpta, occubuit.



## THES. XII.

*conclusio.*

**E**x praesenti tractatione, obseruationibusque in ea recensitis, ni fallor, patescit, in similibus casibus nihil quidem temere agendum, in statu uero dubio atque ancipiti interdum aliquid cum prudentia tentandum esse. Quilibet enim uidet, foeminam hanc e praesentaneo uitae periculo, ob sphacelationem tumoris propendentis, mortisque e faucibus per operationem institutam ereptam fuisse.

De hoc tamen plura ut addam, opus non esse iudico.

**F I N I S.**

